



UNIVERSITÄTS-
BIBLIOTHEK
PADERBORN

**De Vita Et Rebus Gestis Christophori Bernardi Episcopi Et
Principis Monasteriensis Decas**

Alpen, Johann von

Coesfeldiae, 1694

89. Suecia à Batavis aversa.

[urn:nbn:de:hbz:466:1-68495](https://nbn-resolving.org/urn:nbn:de:hbz:466:1-68495)

quarta mors, Monasteriensi ferè non fatalis: 1665.
 quæ & inopinatio distraxit Cæsaris animum,
 & si quos ab aula *Madridensi* sperare licuisset
 favores, pariter extinxit.

Suecorum auxilia postulantibus *Holmiæ* Ba- 89.
 tavis, ceu lege societatis debita, Regis nomi- *Suecia à*
 ne responsum est: uti placita fœderis Ord- *Batavis*
 nes nunquam observâsse, ita nec hodie ad præ- *aversa.*
 standâ subsidia *Sueciam* obligari. Et quo
 ea tunc animo erga Batavos ferebatur, testis
 est hæc epistola, quam paulò ante bellum Mo-
 nasteriense exaratam Ordinibus Rex *Suecia*
 destinârat.

Carolus DEI gratia Suecorum, Gothorum,
Vandalorumq; Rex & Princeps Hereditarius
&c.

Celsis & Præpotentibus, Nostris bonis ami-
cis, ac fœderatis, Dominis Ordinibus Generâ-
libus Fœderati Belgij salutem & prosperos re-
rum successus. Per Residentem vestrum hic
dagentem accepimus litteras eas, quibus Nobis
recensetis lites & similitates inter Serenissimum
Magna Britannia Regem & vos exortas ita
accrevisse, ut injuriam exinde & hostilitates,
Vobis non modo extrâ, sed etiam intra Euro-
pam illatas esse, pluribus interpretemini; à
Nobis requirentes, ut illud auxilium, quod Vo-
bis ut sociis debetur, & quod aliâs, occasione ob-
latâ, dare parati fueritis, vi fœderis præstetur.
Proinde ut amice Vobis respondeamus, fatemur
 per-

percrebuisse jam antea famam exortorum inter Vos diffidiorum, qua nunc litteris Vestris propriis confirmatur. Sed ingratus Nobis admodum hic nuncius accidit, quod nil fore, nisi bellum minitetur, non ignaris, quam hac mala sermone non consistant, ubi incipiunt, nisi DEUS eadem pietate sua coercere & avertere dignetur. Haec incendia tanto sunt timenda magis, quanto inter tam remotas ac vicinas nationes maritimas, adeoque Orbis commercia versantes, facilius ad alios trajici possint. Delimus etiam ab initio mox adhiberi non potuisse adaequata remedia, quae us sopiendis conducere possent, aut ita mutuam amicitiam nostrae rationem comparatam fuisse, ut studio aliquo nostro impediri potuerint. Nam quod desiderium Vestrum in dictis litteris expressum concernit, certum est, inter Nos & Remp. Vestram jam dudum factum initum esse, quod à Nostra quidem parte haecenus tam constantem & sinceram fide cultum esse persuasi sumus, ut integritatem Vestram in testificationem vocare non dubitemus. Quomodo vero ab altera parte jam diu observatum sit, hodieque observetur, docent conscy Vobis actus & perpetuae ista contraventiones, quae contra tenorem iustitiae per multos commissa sunt annos. Nec Vos nescire potestis, quoties per Ministros Nostros, per insinuata memoria, per amicos communes, de iis querendi Nobis necessitas imposita fuit; cujus tamen causa tantum abest, ut Nobis haecenus satisfieri curaveritis, ut ne responso quidem ulla Nos honorare volueritis, nisi antè aliquot saltem menses cum tale quoque reddebatur, quale tantum non inimicis dari consuevit. Quae quidem in eum tamen finem nullo modo dicimus, ut à pactis ritè foederibus recedere unquam a-

1665.
 nimus Nobis fuerit (sanctiora enim illa habenda sunt, quam ut injuriis, quae per amicabilem compositionem reparari possunt, planè conuellantur) sed ut post tot requisitiones, adhuc à Vobis amice contendamus, velitis ad pactorum leges animos convertere, ac eam quantocytus prestare observantiam, quam illa Vobis prescribunt, ac fas est, ut fide bonà observetis. Adest Noster Residens, qui hoc denuo per integrum annum urget; Nec ambigimus, quin si vos aut pristina jura, aut sanctimonia antiqui, quod speramus, foederis tangit, utiq; jam tempus esse censeatis, quo illius aliquam ostendatis propensionem, quam nos etiam spe magna adhuc prestolabimur. Quo factò dabitur rursus copia de mutui prestatione officij transigendi, ubi si à Nobis aliquid requisitum fuerit, in id incumbemus, ut intelligatis non modo Nos ab injuriis & cruentis abhorrere bellis, sed etiam velle eam adhibere curam, ut & publico emolumento, & Nostrae quoq; vetusta amicitia satis consultum esse videri possit.

Suppetis igitur in Suecia desperatis, tantò Batavi intentiore curà Danum sollicitant, quantò ex ejus regni situ operam Regis credebant terrà, mariq; utiliolem.

Inter ea partium studia annus vertebatur; 90.
 At non contentus Gelriam, Transisalaniam, Monasteriam ac Groningam turbasse Mars Monasteriensis, in Cis-Mosano tractu Valckenbursum au-